

**GRAN MAYORIA DI ZORGPAS  
TA CADUCA DEN 2025  
HACI UZO DI E AZV APP OF DI  
BO ID VALIDO!**



**WWW.SOLODIPUEBLO.COM**



**SOLODIPUEBLO@GMAIL.COM**

## **MERENGUERO RUBBY PEREZ A FAYECE DEN TRAGEDIA DI JET SET CLUB NA STO DOMINGO**



Merengero Rubby Perez a fayece den tragedia di Jet Set Club na Sto Domingo

Santo Domingo – Un tragico suceso a tuma lugar dialuna anochi 7 di april 2025 den Jet Set Club na Santo Domingo, Republica Dominicana. Durante un presentacion, parti di e dak di e club a colapsa repentinamente,

causando panico y desgracia.

Den e incidente lamentabel, e popular cantante di merengue Rubby Perez a perde su bida. Perez tabata riba escenario es momento ey y no por scapa di e colapso. Varios otro persona tambe a fayece y hopi mas a keda herida.

E autoridadnan ta investiga e causa di e colapso

mientras cu famia, fanaticonan y comunidad artistico ta lamenta e perdida di un leyenda di musica tropical.

Rubby Perez lo keda pa semper den nos corazon. Solo di Pueblo ta extende condolencia na e pueblo Dominicano.

## **POLO CLUB NA CANDELA DIAMARS ATARDI**





Parlamentario Evelyn Wever-Croes;

# MASHA PABIEN NA FACULTAD HTMS DI UNIVERSIDAD DI ARUBA CU CELEBRACION DI 20 ANIVERSARIO

“Tabata un privilegio di por a celebra e hecho aki durante e evento encanta di Fundraising den fin di siman”



ORANJESTAD – Diasabra ultimo e Facultad di Hospitalidad y Maneho di Tursimio a organisa e evento anual di fundraising. Ta trata di un evento

espectacular cu a wordo organisa completamente pa e studiantenan di e ‘junior year’. Nan mester a planea cada detaye, y nan mester a traha e anochi

aki tambe. Cu ayudo di diferente sponsornan, nan a ofrece e huespednan un anochi di evento espectacular, y cuminda sabroso. E evento aki ta conta como un resultado di examen di e studiantenan.

“Mi tabata parti di e colegio supervisor di universidad 20 anja pasa na momento cu e facultad a lanta, y mi ta honra di por ta awe celebrando cu nan. Durante 20 anja hopi profesional a wordo forma na nos Universidad riba e area di hospitalidad y turismo, y nos ta orguyoso di tur. Y e studiantenan cu awe nochi a converti e universidad aki den un experiencia encanta, sin duda tambe lo bira profesionalnan di cual nos por ta orguyoso.



Mi kier felicita e studiantenan cu a organisa e evento, pa mi nan cada un merece un 10. Mi kier gradici nan tambe pa un anochi espectacular. Finalmente mi kier felicita

Universidad di Aruba, facultad FHTMS, cu e 20 anja nan y cu boso por cumpli hopi biaha mas 20 anja”, Evelyn Wever-Croes a duna di conoce.

## CACHONAN RIBA CAYA LO A ATACA MOTOCICLISTA RIBA SU QUADRACER PONE PERDE CONTROL Y ACCIDENTA



Diabierna atardi a drenta informe di un incidente na Bucutiweg, mesora a dirigi tanto polis como ambulans na e sitio. Na yegada di e patruya a bin compronde cu aki ta trata di un hoben cu apenas 2 dia cu su quad racer y a caba di traha bayendo su cas cu su quad racer diripiente 2 cacho a sali bay ataca e motociclista y a pone perde control bay accidenta. Na yegada di e ambulans nan a atende e hoben y a transporte pa hospital. Su tata cu tambe a presenta na e sitio a keda encarga cu e quad racer.





# POLO CLUB NA CANDELA DIAMARS ATARDI



CAYA G.F.BETICO CROES - Diamars atardi alarma a wordo bati pa un tienda na candela den caya grandi.

Mesora polis y ambulance a mobilisa pa e sitio y a bin ripara cu huma tawata saliendo for di e tienda Polo Club.



Un unidad di Brandweer a drenta den caya, unda cu mesora bomberonan a drenta pa inspecciona di unda tur e huma ta biniendo.

Dado momento nan a sali bek, y a bay pasa patras di e edificio pa por drenta di

banda ey.

Na e sitio nos por a tende algun empleado bisa cu e candela a cuminsa den e warehouse y a expande rapidamente. Ey ta unda cu nan a bati alarma mesora.

E temor tawata pa e candela no bay over na e

tiendanan den banda y bira manera un La Linda. Pero bomberonan bou supervision di local y algun Hulandes a sa di domina e candela. A usa aparatonan special pa chupa e huma di e establecimiento, tambe a controla e piso ariba y edificio na banda.

# ACCIDENTE HIT & RUN NA KOYARI AUTO A DAL MURAYA DI CAS Y A SIGUI CORE BAY!

Dialuna atardi a drenta informe di un accidente na Koyari, mesora a dirigi un patruya na e sitio. Na yegada di e patruya a bin compronde cu aki ta trata di un accidente hit & run unda e chauffeur a core

bandona e sitio. Pero afortunadamente a logra wak number y model cu marca di e auto y esakinan a ser pasa pa departamento di polis di trafico cual lo sali bay busca e chauffeur y e auto aki.





**Partido MEP:**

**Parlamentario Evelyn Wever-Croes;**

**Basa riba e hecho cu e palabra integridad no ta aparece ni 1 biaha den e plan di gobernacion di e Gobierno AVP/FUTURO**

**DESDE PARLAMENTO FRACCION DI MEP LO PERCURA PA MANTENE E PALABRA INTEGRIDAD HALTO RIBA E AGENDA DI E GOBIERNO NOBO**

ORANJESTAD – Despues di a pasa riba e plan di gobernacion di e gobierno nobo, Parlamentario pa fraccion di MEP Evelyn Wever-Croes ta cuestiona e hecho cu e palabra integridad no ta aparece ni 1 biaha den e plan di gobernacion, siendo cu den e programa di campaña di e partido FUTURO e palabra ta aperece 3 biaha. Partido AVP no tabata tin un programa pues no por conta esey.

Alcontrario di e plan aki, den e programa di partido MEP e palabra integridad ta aparece 41 biaha. Pa partido MEP e palabra aki ta hopi importante paso si tin integridad e gobernracion lo bay bon y e placa lo yega na esnan cu tin mester di dj’e. Si no tin integridad placatasomenta den saco di politiconan, no tin transparencia, no lo tin confianza y asina lo no por yuda esnan mas vulnerabel.

“Mi ta sumamente decepciona cu den e acuerdo di gobernacion e palabra aki no ta aparece. Esaki ta duna nos desde Parlamento mas espacio pa haci nos trabou. Desde akinan nos lo percura pa integridad haya su luga como prioridad riba e agenda di e gobierno nobo. Si pa nan e no ta importante no ta nada pero nos lo percura pa e bira importante. Nos di fraccion di MEP lo haci




tur pregunta, lo yama reunion y lo cuestiona pa asina integridad ta halto riba e agenda di e gobierno aki. Paso esaki ta deseo di comunidad y ta asina so nos por para pa bon gobernacion” Parlamentario Wever-Croes a expresa.

**CAMBIO DEN PRIJS DI PRODUCTIONAN PETROLERO 9 DI APRIL 2025**

ORANJESTAD - Minister di Finanzas, Asuntonan Economico y Sector Primario ta anuncia e prijsnan nobo di benta di combustibel entrante 9 di april 2025:

Gasoline unleaded-premium	: 239,9 cen p/ltr. (- 1,1 cen)
Diesel LS	: 206,2 cen p/ltr. (- 9,9 cen)
Kerosin	: 183,3 cen p/ltr. (- 8,6 cen)
E prijsnan ta inclui BBO/BAZV/BAVP	



**DESCONOSIDONAN A TIRA NAN DESPERDICIONAN DI NAN CAS NA ALTO VISTA**

Dialuna atardi un di nos bishitantenan a manda nos foto di desperdicionan cu a ser tira banda di caminda di Alto Vista. Esaki ta un mahos bista pa e turistanan cu ta bishitando nos isla. Sea conciente deposita desperdicionan corectamente.





# BAN BUSCA WEBO NA PLAYA PABAO



Playa Pabao – Directiva di Centro di Bario Playa Pabao ta anuncia su proximo actividad cual lo ta “Ban Busca Webo na Playa Pabao”. E Actividad aki ta tuma lugar diadomingo 20 di april, mainta di 9’or pa 11’or na nos Centro. Riba e dia aki tin buscamento di webo pa

muchanan di 4 aña te cu 8 aña. Mayornan por inscribi nan yiu(nan) di dialuna pa diahuebs mainta di 9’or pa 12’or y despues di merdia di 1’or pa 6’or. Diasabra mainta di 9’or pa 11’or un miembro di directiva lo ta na Centro pa tuma inscripcion. Pa e actividad aki directiva di Centro di Bario Playa Pabao ta cobra un contribucion di 7.50 florin.

Muchanan lo ricibi un “hotdog” y “juice” y naturalmente nan tin e



oportunidad pa gana un premio. Pa motibonan organisatorio directiva di Centro di Bario Playa Pabao ta hasi un apelacion riba mayornan pa inscribi

nan yiu(nan) na tempo y no warda te na ultimo momento. Ultimo dia pa inscribi ta diahuebs mainta 17 di april.

## HOMBER A AGREDI SU PAREHA NA ESTADO NA PRIMAVERA



Dialuna anochi a drenta informe di un caso unda un muher na estado a ser agredi pa su pareha na Primavera, mesora a dirigi patruyanan y ambulans na e sitio. Na yegada di e patruyanan mesora a purba trankilisa e situacion y a haya ta miho pa e homber cu a agredi e dama bay for di e sitio. E mama a percura pa saca e homber for di e cas y p’e bay keda otro caminda. E situacion a medio calma y e homber por a bandona e cas trankilamente.

Na yegada di e ambulans nan a papia cu e victima pero e mes a firma un papel cu e no kier bay hospital. E personal a advirtie kiko por pasa y pa e tuma e pasonan adecua na bienestar di e criatura.

### BANKOMATIKO+ SPECIAL PICKUP SATURDAY

April 12, 2025

ABC Branch (Hyatt Place Aruba Airport)

10 AM – 2 PM

E dia aki ta specialmente pa clientenan cu ainda no a busca nan tarheta nobo di Bankomatiko+.

Pa un dia so riba diasabra 12 di april nos lo habri specialmente pa clientenan por pasa busca nan tarheta.

Pa e dia aki so e punto central pa e pickup lo ta ABC Branch (den Hyatt Place Aruba Airport).

E orario lo ta di 10:00 AM te cu 2:00 PM.

Nos ta recorda tur cliente pa trece un identificacion valido manera cu ta e caso pa tur transaccion bancario.

Probecha di e dia special aki, ya cu dialuna tur tarheta lo wordo manda bek pa e branch designa.

Si tin cualke pregunta por favor tuma contacto cu nos via eAmigo LIVE CHAT of Whatsapp.



# REVISION DI MANEHO DI ENSEÑANSA SECUNDARIO GENERAL

## Voortgezet Onderwijs 3.0

Oranjestad, 8 di april 2025  
Den cuadro di nos Plan Strategico Nacional di Enseñansa PEN 2030 ta trahando riba revision di e maneho pa Enseñansa Secundario.

### Pakico maneho nobo?

Tin diferente motibo pa cual ta necesario pa revisa e maneho. Mester percura pa miho acoplacion entre sistemanan di enseñansa pa e fluho por bay mas miho; tanto ora e alumno sali for di scol basico, como tambe ora e sali for di enseñansa secundario (voortgezet onderwijs) pa sigui cu un estudio den enseñansa avansa. Mester percura pa e alumno adkiri e competencianan necesario pa por funciona den e comunidad actual, den estudio avansa (sea na Aruba of den exterior) y riba mercado laboral. Nos leynan di enseñansa tambe mester wordo modernisa y acopla na e necesidadnan di e generacion moderno. Mirando desaroyonan nacional y internacional e rol di e docente den e proceso di siñamento tambe a cambia y e maneho mester tene cuenta cu esaki.

### Proceso pa yega na e maneho nobo

E proceso pa yega na un maneho nobo ta inclui studia literatura y publicacionnan riba e tereno en cuestion, y haci un analisis extenso riba e situacion actual como tambe e necesidadnan pa futuro cercano y riba

termino mas largo.

Den e proceso tambe a consulta cu mas di 500 stakeholders tanto den enseñansa como pafo di enseñansa. A tene ronda di consulta cu entre otro directivanan di scol, cabesante, maestronan di klas 5 y 6, studiantenan di AVO, IPA, UA y EPI, interne begeleiders, remedial teachers, zorgcoördinatoren, hobennan di Parlamento Hubenil, comision fiho di enseñansa di Parlamento di Aruba, diferente departamento di Gobierno y zorginstanties, Dienst Inspectie van het Onderwijs, IPA y UA. WWW.EA.AW, WWW.PAPIAMENTO.AW, +297 528 3400, STADIONWEG 37, ORANJESTAD, ARUBA

Encuesta pa comunidad

Pa duna e comunidad general di Aruba tambe e oportunidad pa contribui na e proceso aki tin un encuesta disponibel. E meta di e encuesta ta pa haya mas informacion tocante e retonan den enseñansa secundario general (voortgezet onderwijs).

E temanan cu ta wordo trata den e encuesta ta relaciona cu e ambiente di siñamento na scol, e parti fisico y social-emocional, e calidad di enseñansa, y e estructura di enseñansa.

Pa contribui nos ta invita bo pa acudi na nos website [www.ea.aw](http://www.ea.aw) y yena e encuesta.

Cada opinion ta conta y



tur aporte ta importante. Di antemano DEA ta gradici bo pa contribui na e proceso aki.

Mas informacion

Pa mas informacion relaciona cu Enseñansa na Aruba por acudi na e

website [ea.aw](http://ea.aw) y/of sigui @EducationAruba via Facebook y Instagram.



# Parlamentario Endy Croes: San Nicolaas lo acepta esaki sin mas? **MIKE EMAN KIER SCHUIF RICHARD ARENDS ADEN COMO MINISTER Y BENTA MIKE DE MEZA AFOR**

Parlamentario Endy Croes a tuma nota di desaroyonan interno den e Gabinete Eman-Wever-Croes unda lo tin e intension di schuif ex minister di AVP Richard Arends aden pa ocupa e posicion vacante di Minister y asina benta San Nicolas y Mike de Meza afor. No por bisa con esaki lo cay pa e pueblo di San Nicolas como cu Richard Arends no tabata riba lista tampoco a aporta na ningun voto pa AVP por ta bek den gobierno. Cu Mike de Meza debe hopi belasting y no a logra yega na un areglo di pago pa asina kisas bira minister ta conoci pa pueblo. Bo mester ta hopi sinberguensa como ex minister di finanzas kende a duna ordo pa cobra tur comerciante y pueblo belasting entre año 2010 -2014 pa awor bin resulta cu bo mes no tabata paga belasting. Pero den partido AVP, e universidad di corrupcion, tur cos por. Paul Croes 3 luna sera den KIA a keda cobra su salaris di minister siendo un ambtenaar normal bay KIA mesora DRH ta conseha pa para su salaris. Benny Sevinger 90 dia sera den KIA cobrando ful salaris y pa recompens'e, AVP ta lage bay riba lista (2021) y asina por sigui e trent di partido AVP. Awe nos por mira e resultado di e bagamunderianan di AVP cu a tuma lugar. Entre otro Hues ta ordena Benny Sevinger (Avestrus) pa paga 840 mil bek na pais Aruba banda di a kita (encauta) 2.4 miyon riba e account di ORCO Bank na Corsou. Placanan horta di pais Aruba. Placa di nos hendenan!

**Richard Arends tampoco ta**

**awa limpi!**

Nos a repasa poco den e historia di Richard Arends y ta keda toch babuca di su trackrecord. Richard Arends na año 2009 tabata consehero di Mike de Meza. Na 2010 Richard Arends su compania Horizon Consultancy a cuminsa cobra pa consehonan den Utilities y despues na RDA. Na año 2014 Richard Arends a haya un full time contract cu gobierno di Afl.16.000 pa luna. Banda di esaki su compania Horizon Consultancy tambe tabata cobra cientos di miles pa duna conseho. Despues di corto tempo Richard a ripara con Speed y Patrick sin ningun estudio tabata strica entre 80 y 125 mil florin pa luna cu Tera Group y entre otro 24ora.com via gobierno di Aruba.

**Richard ta cambia su contract di 16 mil pa cobra 25 mil pa luna**

E abuso di Speed cu Patrick a pone e luz cende cerca Richard Arends. Asina Richard Arends a kibra su arbeidsovereenkomst di 16 mil pa luna cu Gobierno y a sera un contract nobo mas lucrativo via su compania Horizon Consultancy pa un bunita suma di 25 mil florin pa luna pa conseha Mike Eman y Mike de Meza. Na 2016 Horizon Consultancy a cuminsa duna conseho tambe na RDA. Dia 1 di november 2016 Richard Arends a firma un otro abeidsovereenkomst pero e biaha aki directamente cu RDA como CFO di RDA na balor di Afl.22.750,- pa luna mas diferente beneficio cu ta alcanza 30 mil pa luna. Adicional



un clausula, si kier retir'e for di trabou mester pag'e Afl.2.6 miyon florin. Dia 30 di november 2016 Richard Arends a huramenta como minister despues cu Otmar Oduber a bandona filanan di AVP. Su contract como CFO na RDA a keda valido. Riba mesun fecha cu el a huramenta como minister (30 di november 2016), Richard tabata duna autorisacion y haci pagonan grandi di cientos di miles pa RDA online siendo minister. Nos a yega di publica e pruebanan aki. Dia 27 di October 2017 Richard Arends a bira Parlamentario. Nos por a pone man riba dos notulen firma pa Mike de Meza unda RDA ta duna Richard verlof mantenendo su trabou di CFO cu salario di 30 mil pa luna te ora e caba di sirbi Aruba como Parlamentario e lo tuma e encargo na RDA bek. Only in Aruba! Foei Mike de Meza!

**Richard a cobra 4 miyon florin**

Rapportnan di e investigacionnan ta ilustra cu banda di tur esaki Richard Arends via su Horizon Consultancy a cobra Afl.585.000,- mil pa consehonan duna na Utilities y Afl. 445.000,- pa conseha RDA. Toko den Toko. Un total di 4 miyon a wordo paga na Horizon Consultancy un compania di Richard Arends ex minister di AVP. Despues cu a pone hopi presion riba AVP y Richard Arends dia 28 di augustus 2018 Richard Arends a manda un carta pa Promer Minister Evelyn Wever Croes cu e ta distancia su mes di dicho contract di Afl.30 mil pa luna como CFO di RDA. Nos kier recorda pueblo ken ta Richard Arends di AVP. Pa locual ta e guerra interno den AVP entre Richard Arends y Mike de Meza nos ta laga esey pa sostenedornan di AVP atende cu esaki. Pero un cos si nos tur por conclui, y esey ta cu tur ta mescos. Haragan pa placa!



# Despues di varios luna di training intensivo: 4 ATLETA DI STINGRAY SWIMMING TA PARTI DI SELECCION DI ARUBA PA AAF PA CARIFTA 2025



Den menos di 10 dia, nos talentoso 4 atletanan di Stingray Swimming lo representa Aruba cu orguyo na e gran evento di landramento di Caribe: CARIFTA2025 na Trinidad y Tobago. E evento ta tuma lugar for di 19 te 23 di april, unda e 4 atletanan: Vitaly Innocencia (11 aña), Leandro Santiesteban (12 aña), Shine van Loon (12 aña) y D-Leylah Gerrel (13 aña) ta forma parti di e seleccion di Aruba; Aruba Aquatics Federation (AAF), cu ta competi na e prestigioso National Aquatic Centre na Couva, hunto cu e otro landadornan di Aruba Dolphins y Giants Aquatics.

CARIFTA 2025 ta conta cu mas di 1,200 atleta di 28 pais den Caribe, unda sigur por conta cu competencia di nivel. Stingray

Swimming ta orguyoso di su 4 landadornan hoben aki, cu sigur tin aspiracion grandi pa bira futuro landadornan den competencia mas grandi. E cuater atletanan aki Vitaly Innocencia, Leandro Santiesteban, D-leylah Gerrel y Shine van Loon ta competi den diferente evento individual como Relay.

- Vitaly den 7 evento individual: 100m – 200m Breaststroke / 50m Fly / 200m IM / 50m – 100m – 200m Freestyle.

- Leandro den 6 evento individual: 50m – 100m – 200m Breaststroke / 50m – 100m Freestyle / 50m Fly.

- Shine den 6 evento individual: 50m – 100m Freestyle / 50m – 100m Backstroke / 50m Fly / 50m Breaststroke.

- D-Leylah den 7

evento individual: 50m – 100m – 200m Backstroke / 50m – 100m – 200m – 400m Freestyle.

Tur 4 landador ta bon prepara pa e duo di coach dedica Ismael Santiesteban y Tyrine de Kort, cu sigur a percura pa nan trainingnan ta cla pa enfrenta e reto di Caribe di mas grandi y logra mehoracion personal, medaya y finalista representando nos dushi isla Aruba.

Aruba tambe por sigui e competencia completo via livestreaming. Ban sostene y aplaudi nos atletanan, cu sigur despues di varios luna intensivo di training, sacrificio, dedicacion y amor pa nan deporte ta cla pa representa Aruba y nan team di Stingray Swimming.



# FALTA DI TRANSPARENCIA DEN OTORGAMENTO DI PERMISO DI TAXI NA ARUBA TA LANTA BOS DI PROTESTA DI E HULPCHAUFFEURNAN

Un grupo grandi di hulpchauffeur a manda un carta habri dirigí na ex-Minister di Transporte, Ursell Arends, Minister di Husticia, Integracion y Transporte Publico, mr. drs. Arthur Dowers, Departamento di Transporte Publico (DTP), y tur e taxistanan cu tin permiso na Aruba. Den e cartaakinantaexpresanan profundo preocupacion y mal contento pa cu e falta di transparencia, honestidad y claridad den e otorgamento recien di 50 permiso di taxi nobo.

E hulpchauffeurnan ta cuestiona fuertemente e manera cu e otorgamento a tuma luga, insinuando cu e sistema FIFO (First in, First out) uza pa ex-Minister Arends a resulta den un abuso di nan derechonan humano y laboral, specialmente esnan cu tin 3 aña of mas den servicio activo. Nan ta lamenta cu enbes di empodera e

hulpchauffeurnan, manera priminti anteriormente, e maneho di Arends a faborece famia di e taxistanan existente, e personanan cu ya tin pensioen, hende di edad avansa, comerciante y hasta e empleadonan publico cu bon salario.

E carta ta dirigí un serie di pregunta directo y specifico na ex-Minister Arends, poniendo enfasis riba e traspasonan di permiso firma durante su periodo, e criterionan uza pa otorgamento y e motibo pakico e personanan cu pasado cuestionabel of cu famia cu ya tin permiso a wordo preferi riba hulpchauffeurnan cu varios aña di experiencia. Nan ta puntra si ta berdad cu e personanan cu permiso anterior a bolbe haya permiso prome cu hopi otro, y pakico e personanan di edad avansa of cu negoshi propio a haya permiso. Un otro punto di preocupacion ta e

otorgamento di permiso na un persona hospitalisa na Colombia, cuestionando con e persona aki a cumpli cu e rekisitonan medico necesario.

E hulpchauffeurnan ta denuncia e explotacion laboral cu nan ta victima di dje, unda nan mester paga sumanan substancial pa dia n'e doñonan di permiso, sin beneficio laboral of proteccion social. Nan ta calcula cu den tres aña un hulpchauffeur por paga mas di 150 mil florin na huur di permiso. Nan ta cuestiona tambe cuanto belasting e doñonan di permiso ta paga anualmente, contrastando esaki cu e situacion precario di e hulpchauffeurnan cu no por ni sikiera haya un lening bancario.

Den nan carta, e hulpchauffeurnan ta duna bonbini n'e Minister nobo, mr. drs. Arthur Dowers, y ta pidi encarecidamente pa un investigacion profundo




di cada permiso otorga pa ex-Minister Arends. Nan ta spera cu Minister Dowers lo considera pa anula tur e 50 permisonan firma y duna prioridad n'e hulpchauffeurnan cu tin 3 aña of mas di bon servicio y cu no tin famia directo cu permiso di taxi. Nan ta sugeri pa otorga permiso directo n'e hulpchauffeurs cu mas aña di servicio, en bes di sigui cu e sistema FIFO cu nan ta considera inhusto. Tambe nan ta pidi pa stop tumamento di hulpchauffeur nobo te ora cu nan situacion wordo evalua.

Finalmente, e comunidad di hulpchauffeur ta spera cu nan caso lo wordo tuma cu seriedad y profesionalismo, sin represalia. Nan ta enfatisa cu nan ta sinti nan mes desampara y cu nan derechonan humano y laboral ta wordo abusa. Nan ta termina nan carta cu un grito di solidaridad y un mensahe contundente: "Aruba taxi Vergunning no ta un Patrimonio Politico ni de famia. ARUBA TAXI VERGUNNING TA UN PATRIMONIO NACIONAL."

## CHAUFFEUR DI UN JEEP NO A REGULA SU VELOCIDAD NI A MANTENE DISTANCIA A BAY DAL TRAS DI UN AUTO NA MORGENSTER

Dialuna atardi a drenta informe di un accidente na Morgenster unda e chauffeur di un Jeep no a regula su velocidad ni a mantene distancia, pero promer cu polis a yega ya nan a resolve e daño entre nan mes.





# Chauffeur a pasa door di hekki di airport na Bucutiweg



Dialuna madruga a drenta informe di un accidente na Bucutiweg, mesora a dirigi un patruya na e sitio. Na yegada di e patruya a bin compronde cu aki ta trata di un accidente unda e

chauffeur di un Hyundai Elantra biniendo cu velocidad halto y cu pa un motibo of otro no a ripara e hekki di airport dilanti Varadero a pasa door di e hekki y a bay paden.

Na yegada di polis e chauffeur a bandona pero manera polis a yega e posibel chauffeur a aparece. Afortunadamente ningun hende a resulta herida.

## CHAUFFEUR CU UN HYUNDAI ACCENT DI HUUR NO A REGULA SU VELOCIDAD NI A MANTENE DISTANCIA A BAY DAL TRAS DI OTRO HYJNDAI ACCENT



Dialuna mainta a drenta informe di un otro accidente na Tanki Leendert pero yegando e rotonde for di nort,

mesora a dirigi un patruya na e sitio.

Na yegada di e patruya a bin compronde cu aki ta

trata di un accidente unda cu un chauffeur coriendo cu un Hyundai Accent no a regula su velocidad ni a mantene distancia a bay



dal tras di un otro Hyundai Accent. Afortunadamente

ningun hende a resulta herida.



# GRAN MAYORIA DI ZORGPAS TA CADUCA DEN 2025

## Haci uzo di e AZV app of di bo ID valido!

Desde december 2019 nos di AZV a introduci e AZV app. E AZV app a reemplaza e carchi di AZV (e carchi di plastic), esta e “ZorgPas”. Den nos administracion nos ta wak cu tin un

gran cantidad di cliente cu ainda tin un ZorgPas y ta haciendo uzo di esaki.

Carchi ta caduca

AZV ta informa tur asegurado cu tin un ZorgPas cu fecha di vencemento den 2025 pa tuma

nota cu una bes e carchi di plastic caduca, AZV no ta traha un carchi nobo mas.

Awor ta mas facil! Descarga e AZV app y asina haci uzo di bo digiZorgPas. Esey ta e carchi digitalisa via e AZV app.

Kico mi responsabilidad ta?

Como asegurado di AZV bo mester por prueba cu bo tin un polisa valido di AZV; pues

semper ta bon pa bo tin bo AZV app y via e AZV app bo ta muestra bo digiZorgPas.

Den caso cu bo no tin un celular of bo no tin wifi na e momento cu bo mester bishita un

instancia medico, a palabra cu e dunado di cuido cu pa facilita e

proceso, bo por presenta (mustra) un ID valido (sea paspoort, cedula of rijbewijs) tambe. A base di bo ID valido e dunado di cuido ta controla si bo ta asegurado di AZV y cu polisa ta valido.

Kico ta e responsabilidad di e dunado di cuido?

E dunado di cuido tin e responsabilidad pa controla cu cada servicio cu e ta duna ta pa un cliente “legitimo” di AZV. Pa esaki e dunado di cuido ta haci uzo di un webportaal speciaal cu ta disponibel pa e dunadonan di cuido. Riba e webportaal e dunado di cuido por check

bo datonan y e valides di bo polisa. A base di e digiZorgPas of e ID valido cu abo ta

presenta, e dunado di cuido ta controla cu e cliente su dilanti ta e persona corecto y cu e tin su seguro di AZV valido.

Descarga e AZV app

Den caso cu bo no tin e AZV app ainda, por descarg’e y instal’e riba bo cell. Tambe ta

posible pa añadi bo yiunan of un familiar den bo digiZorgpas. Riba nos website

(www.azv.aw) tin un cantidad di video di instruccion cu por yuda bo cu esaki. Pero

naturalmente bo lo por yama nos na 5279900 pa nos yuda bo. Of pasa personalmente na

nos oficina cu ta keda na Rumbastraat 21, di dialuna pa diabierna di 7:30am-4:00pm.



## Paga bo cuenta online ta facil

Sea  
Abonnement  
of Aviso

Pago online,  
facil y lihe

**Pa hasi pago online pone number y adres na  
cuenta di banco RBC Sunmax Printing  
account # 7700000100152447**






# DEN COLABORACION CU FUNDACION RESPETA MI

## Centro di Bario Noord ta cende luz blauw pa consientisa prevencion di abuso di menor

ORANJESTAD - Den cuadro di “Fundacion Respeta Mi” su peticion pa colaboracion na conscientisa riba e tema di “Prevencion di abuso contra menor,” nos di Centro di Bario Noord a cende nos lusnan blauw rond di centro.

“Un bunita causa di prevencion den nos comunidad, pa cual nos di Centro di Bario Noord a opta pa colabora cun’e mes ora. Den cuadro di e colaboracion aki, nos lo bay tin un charla aki na centro titula, ‘Señal di abuso di mucha,’” Coordinado di programa, Sra. Ligia Croes ta splica.

“E meta di e charla aki ta pa alerta comunidad riba e señalnan conoci pa profesionalnan, cu un menor ta muestra cu por duna un indicacion cu e ta pasando door di un situacion di abuso. Cualquier daño of maltrato intencional na un mucha bou di 18 aña ta considera como abuso di menor. Abuso di menor ta tuma hopi forma, y ta importante pa nos ta alerta pa por reconoce cierto comportacionnan den un menor cu kisas tin miedo di papia, pa asina por yud’e.”

Den hopi caso, abuso di mucha ta wordo haci door di un hende cu e menor conoce y ta confia. Un mucha cu ta wordo abusa por sinti’e culpabel, bergonsa of confundi. E mucha por tin miedo di



conta hende tocante e abuso, especialmente si e abusado ta un mayor, otro pariente of amigo di famia. Ta p’esey ta vital pa reconoce e señal di abuso di menor.

Charla lo tuma luga dia 15 di april na Centro di Bario Noord for di 7:00pm pa 9:00pm di anochi.

Tin un proverbio conoci cu ta bisa, “It takes a village to raise a child”—E ta tuma un pueblo pa lanta un mucha.

Ban ta consciente, lanta guardia y ta defensor di cualquier menor cu por ta pasando den un situacion di abuso y asina percura mas tanto posibel pa nos muchanan ta biba den un comunidad mas consciente, mas sigur y

mas tanto protegi.

Centro di Bario Noord, ta encurasha comunidad


pa asisti na e charla importante aki. Pa mas informacion por tuma contacto cu Centro di

Bario Noord via whatsapp 5682935 of tambe por via email: [ligiaplcbn@gmail.com](mailto:ligiaplcbn@gmail.com).





# MOTOCICLISTA A DESVIA PA UN NISSAN MARCH DI DIRECCION CONTRARIO CU A BIRA SU DILANTI NA BLOEMOND



Diadomingo atardi a dreña informe di un accidente cu hende herida na Bloemond, mesora a dirigi tanto polis como ambulans na e sitio. Na yegada di e patruya a bin compronde cu aki ta trata di un accidente unda un auto Nissan March biniendo di pariba a bay bira na man robes pero e no a duna preferencia na un motociclista di direccion contrario y esaki a desvia dal abao sin dal riba e auto. Na yegada di e ambulans nan a atende e victima na e sitio mes.

# Accidente cu hende herida pa falta di preferencia na Guyabastraat y Caya Papa Juan PabloII



Dialuna atardi a dreña informe di un accidente cu hende herida na crusada Guyabastraat cu Caya Papa Juan PabloII banda di ATCO, mesora a dirigi tanto polis como ambulans na e sitio. Na yegada di e patruya a bin compronde cu un Toyota Vitz no a duna un Mercedes Benz preferencia y nan a dal den otro. E Vitz a haya basta daño y e dama den e Mercedes Benz a resulta levemente herida. Na yegada di e ambulans nan a atende e dama na e sitio mes.



# DURANTE TOUR CU QUADRACER UN DAMA TURISTA A BAHA CAMINDA DAL NA UN PIEDRA Y KENTEL CAY HERIDA



Dialuna merdia a dreña informe di un accidente cu hende herida na Sabanilla Abao, mesora a dirigi tanto polis como ambulans na e sitio. Na yegada di e patruya a bin compronde cu aki ta trata di un accidente unda un dama turista durante un tour riba quadracer e dama turista a baha



caminda dal un piedra kentel y a cay herida su mes. pidi pa un ambulans mes bini cu urgencia. Na yegada di e ambulans nan a pone e dama den e ambulans atende y a transporte cu urgencia pa hospital. e no por a transporte y a

## POLIS A PARA UN AUTO PA UN CONTROL NA POS ABAO, E CHAUFFEUR NO POR A MOSTRA NINGUN IDENTIFICACION!



Diadomingo anochi durante patruya na Pos Abao polis a bay para un auto pa un control. Durante e control a bin sali afor cu e chauffeur no tin ningun identificacion y tampoco por a mostra polis papelnan di auto cu esakinan ta regla.





# Trahador di Setar a bay dal tras di pick-up cu a bira pa bay Sing Fung Supermarket












Dialuna mainta a drenta informe di un accidente na Tanki Leendert, mesora a dirigi un patruya na e sitio. Na yegada di e patruya a bin compronde cu aki ta trata di un accidente unda cu un empleado di Setar coriendo cu e Van di Setar no a regula su velocidad ni a mantene distancia a bay dal tras di un Pick-up. Afortunadamente ningun hende a resulta herida.










## SUDOKU

5		9				4		
7		8	3		4	9		
6		1				7	3	
4	6	2	5					
3	8	5	7	2	1	6	4	9
1	9	7	4		8	2		
2			1					4
		3		4			8	7
	7			5	3			6

8								
		3	6					
	7			9		2		
	5				7			
				4	5	7		
			1				3	
		1					6	8
	8	5				1		
9						4		

	8							
				2	1	8	7	
2			3				5	9
		4			9		2	
	7		2	1	8	4		6
9					3	7		
6	9		4					
	4	8	1		7			

	Paardenbaastraat 10, Oranjestad, Aruba Tel.: (297) 525 - 7555 www.lottoaruba.com Resultado: Sorteo di Anochi - April 08, 2025	
	Sorteo # 8516	Joker Letter
	8978	Proximo Jackpot
	0402	280.000,-
	8277	
	X2	
		02-05-07-13-30
	Sorteo # 7560	Proximo Jackpot
	0961	50.000,-
	X2	
		
	Sorteo # 2265	
	2900	
		
	Sorteo # 6319	
	4812	
	Tauro	
		
	Sorteo # 1249	
	299	
		
	FP	

	Paardenbaastraat 10, Oranjestad, Aruba Tel.: (297) 525 - 7555 www.lottoaruba.com Resultado: Sorteo di Merdia - April 08, 2025	
	Sorteo # 4588	Joker Letter
	6770	Proximo Jackpot
	6715	280.000,-
	2815	
	X3	
		
	Sorteo # 4588	Proximo Jackpot
	1821	50.000,-
	X3	
		
	Sorteo # 2644	
	1207	
		
	Sorteo # 4588	
	6173	
	Geminis	
		
	Sorteo # 1462	
	560	
		
	X2	



# FORTALEZA PA FAMILIA

Scirbi pa Pastor Marcel Balootje.

## EDUCA, Y LANTA UN MUCHA DRECHI Y DECENTE TA RESPONSABILIDAD DI SU MAYOR



Tin cosnan cu ta sosode cu ta tristo pa papia di nan , por ehempel un mucha tin malcomportacion na scol, su vocabulario ta sushi, hopi ofensivo, su actitud ta violento, ta parce manera e ta bao di influencia di droga of alcohol, e ta wordo manda cas, y despues su mayor ta aparece na porta scol y kier bringa cu e maestro of maestra buscando rason pa nan yiu.

Den palabra di Dios ta para scirbi di temponan trabahoso 2 Timoteo 3:1-5, y awor esaki a bira manera un pelicula pa nos bida, pasobra unda cu nos bira nos ta mira e palabra ta cumpli.

Ta parce manera dia pa dia hende ta bira mas ireconciliabel, mas irresponsabel,mas rebelde, mas sin cuenta, y tambe mas odiado di loke ta bon,

No tin ningun gobierno cu por educa ningun mucha, pasobra educacion ta bini di cas, y si un palo crece dobla na cas, riba caya, y na scol ta dificil pa e por



stret. Hopi biaha mayornan ta bisa cu nan yiu ta bon mucha, ora algo sosode cune riba caya, pero nan sa masha bon cu na cas mes e no tin cuenta cu nada, e no tin respet, y e no ta duna oido na palabra di su mayornan, e ta haci manera cu e kier.

E conseho aki ta duro pero e tin cu wordo avisa na tur mayor: Si bo no por lanta un mucha decente y drechi for di ora e ta chiki, prepara bo pa paga un abogado pe ora e bira grandi.

Awendia kico cu ta mayornan ta cla pa gasta placa na psicologo, pero antes un bira di wowo di un mayor ta suficiente pa e mucha sinta keto.

Muchanan ta hinca nan mes den problema di hende grandi, y hende grandi ta hinca nan mes den asunto di mucha,pesey tin tanto manipulacion awendia entre mayor y yiu.

For di ora un hende trece un yiu na mundo, no tin cuenta si e ta soltero of casa, e yiu mester wordo educa, pa asina e por ta un bon ciudadano mayan cu Dios kier.

E palabranan aki cu mi ta ordena bo awe,mester ta riba bo curason. Sinja nan cu tur diligencia na bo yuinan,y papia di nan ora bo ta sinta den bo

cas. Ora bo ta cana riba caminda y ora bo ta bay drumi, y ora bo lanta ( Deutoronomio 6:6-7).

Bara y reprendemento ta duna sabiduria, ma un yiu laga pa su cuenta ta pone su mama na berguensa. ( Proverbionan 29:15)

Coregi bo yiu y e lo duna bo tranquilidad,si e lo haci bo alma contento. ( Proverbionan 29:17).

Ta berguensa di papia di situacion familiar caminda yiu y mayor ta discuti cu palabra malo contra otro, e yiu ta manda di aki banda y e mayor ta contesta otro banda.

Nieto cu wela ta discuti manda grandi pa otro, eynan nos ta mira e grado abao di respet cu por tin den un famia.

Tin hopi falta di respet ta bay rond cu enbes di coregi, nos ta apoya e

mucha bisando cu nos yiu no ta tuma nada na man di ningun hende, pero ki mishi e mucha den discucion cu hende grandi.

Cria un yiu rebelde no ta nada bunita, cria un mucha rebelde ta nifica sera su portanan di bida , for di tempran, lubida cu nos como mayor ta yama pa habri porta di bida pa nos yuinan.

Educa y lanta un mucha drechi, ta responsabilidad di su Mayornan.



# Oracion di dia

## Un feliz dia bendiciona yena cu gracia di Dios

”Lo Bo ta sacerdote pa semper na e mesun manera cu Melkisedec.”  
(Hebreunan 7, 17b)

Ruman aki nos ta mira Hesus cu e titulo Sacerdote/Rey di Husticia pa semper, bunita titulo pa Hesus aunke Hesus no mester di ningun introduccion of titulo paso E ta Dios y Dios ta Amor. Asina mes den Hesus nos por experiencia Amor, E Amor Unico cu nos tur ta anhela consciente y inconscientemente nos tur ta anhela di experiencia E Amor di Dios.

Ta dificil pa esey sosode? Ta bon pa nos sa cu tur cos ta depende di con habri nos curason ta pa Hesus y con nos ta permiti Spirito Santo move den nos.

Diadomingo nos a scucha cu nos tin e donnan y awor ta keda nos nada mas cu resa y pidi Spirito Santo habri nos curason pa nos experiencia y pone e donnan den practica y asina acepta y cumpli cu Dios su boluntad den nos bida y nos biba!

Oracion:Hesus mare nos tur por reconoce cu Abo ta nos Rey di Husticia y acerca Bo curason misericordioso pa nos salvacion.

Amen